

大智度論

第八十

二百十五
表十

4897c



British Library
Acquisition Department

大智度論釋卷第八十

龍樹菩薩造

姚秦三藏法師鳩摩羅什譯

釋無盡品第六十七

訖第六十八品上

尔時須菩提作是念是諸佛阿耨多羅三藐
三菩提甚深我當問佛作是念已白佛言世
尊是般若波羅蜜不可盡佛言虛空不可盡

故般若波羅蜜不可盡世尊云何應由般若

波羅蜜佛言色不可盡故般若波羅蜜應生

受想行識不可盡故般若波羅蜜應生檀波

羅蜜不可盡故般若波羅蜜應生尸羅波羅

蜜羼提波羅蜜毗梨耶波羅蜜禪波羅蜜般

若波羅蜜不可盡故般若波羅蜜應生



一切種智不可盡故般若波羅蜜應生復
須菩提癡空不可盡故菩薩摩訶薩般若波
羅蜜應生行空不可盡故菩薩般若波羅蜜
應生識空不可盡故菩薩般若波羅蜜應生
名色空不可盡故菩薩般若波羅蜜應生六
處空不可盡故菩薩般若波羅蜜應生六觸
空不可盡故菩薩般若波羅蜜應生受空不
可盡故菩薩般若波羅蜜應生愛空不可盡
故菩薩般若波羅蜜應生取空不可盡故菩
薩般若波羅蜜應生有空不可盡故菩薩般
若波羅蜜應生生空不可盡故菩薩般若波
羅蜜應生老死憂悲苦惱空不可盡故菩薩

般若波羅蜜應生如是須菩提菩薩摩訶薩
般若波羅蜜應生須菩提十二因緣獨是菩
薩法能除諸邊顛倒坐道場時應如是觀當
得一切種智須菩提若有菩薩摩訶薩以虛
空不可盡法行般若波羅蜜觀十二因緣不
墮聲聞辟支佛地任阿耨多羅三藐三菩提
須菩提若求菩薩道而轉還者離般若波羅
蜜念故是人不知云何行般若波羅蜜以虛
空不可盡法觀十二因緣須菩提若求菩薩
道而轉還者皆不得是方便力故於阿耨多
羅三藐三菩提而轉還須菩提若菩薩摩訶
薩於阿耨多羅三藐三菩提不轉還者皆得

是方便力故。須菩提。菩薩摩訶薩。應以虛空不可盡法。觀般若波羅蜜。應以虛空不可量法。生般若波羅蜜。如是。須菩提。菩薩摩訶薩。現十二因緣時。不見法。無因緣。生不見法。常不見。滅不見法。有我人壽者。衆生知者。見者。不見法。無常不見法。苦不見法。無我不見法。寂滅非寂滅。如是。須菩提。菩薩摩訶薩。行般若波羅蜜。應如是觀。十二因緣。須菩提。若菩薩摩訶薩。能如是行般若波羅蜜。是時不見色。若常若無常。若苦若樂。若我若無我。若寂滅。若非寂滅。受想行識亦如是。須菩提。菩薩摩訶薩。是時亦不見般若波羅蜜。亦不見。

以是法見般若波羅蜜禪波羅蜜乃至阿耨
多羅三藐三菩提亦不見阿耨多羅三藐三
菩提亦不見以是法見阿耨多羅三藐三菩
提如是須菩提一切法不可得故是爲應般
若波羅蜜行若菩薩行無所得般若波羅蜜
時惡魔愁毒如箭入心譬如人新喪父母如
是須菩提惡魔見菩薩行無所得般若波羅
蜜時便大愁毒如箭入心須菩提白佛言世
尊但一魔愁毒三千大千世界中魔亦復愁
毒佛告須菩提三千大千世界中諸惡魔皆
愁毒如箭入心各於其坐不能自安須菩提
摩訶薩能如是行般若波羅蜜是時一

世間天及人阿修羅不能得其便令其憂
惱須菩提以是故菩薩摩訶薩欲得阿耨多
羅三藐三菩提當行是般若波羅蜜菩薩摩
訶薩行般若波羅蜜時具足修檀波羅蜜尸
羅波羅蜜羼提波羅蜜毗梨耶波羅蜜禪波
羅蜜般若波羅蜜須菩提菩薩摩訶薩行般
若波羅蜜時具足諸波羅蜜須菩提白佛言
由尊菩薩摩訶薩行般若波羅蜜時云何具
足檀波羅蜜尸羅波羅蜜羼提波羅蜜毗梨
耶波羅蜜禪波羅蜜般若波羅蜜佛告須菩
提菩薩摩訶薩所有布施皆迴向薩婆若如
須菩提菩薩摩訶薩行般若波羅蜜時具

及檀波羅蜜。須菩提。菩薩摩訶薩。所有持戒。皆迴向薩婆若。是為具足尸羅波羅蜜。菩薩摩訶薩。所有忍辱。皆迴向薩婆若。是為具足羼提波羅蜜。菩薩摩訶薩。所有精進。皆迴向薩婆若。是為具足毗梨耶波羅蜜。菩薩摩訶薩。所有禪定。皆迴向薩婆若。是為具足禪波羅蜜。菩薩摩訶薩。所有智慧。皆迴向薩婆若。是為具足般若波羅蜜。如是。須菩提。菩薩摩訶薩。行般若波羅蜜。具足六波羅蜜。釋曰。須菩提。從佛聞般若波羅蜜種種相。初聞畢竟空相。中間囑累如似有後。還聞說空。所謂般若義無量。名字向衆有量。是時須菩提。

提作是念諸佛阿耨多羅三藐三菩提甚深
我當問佛所以甚深佛說菩提少許分但爲
破衆生顛倒故不具足說所以者何無能受
者故若人取如相佛言如亦空無生住滅故
若法無生住滅是法即無法性實際亦如是
若有取畢竟空者亦言非也何以故若畢竟
空是定相可取是非畢竟空是故言甚深我
當更問佛須菩提作是念已如佛自說三世
諸佛用般若波羅蜜得道般若故不盡已不
盡今不盡當不盡是故我今但問不盡義佛
答如虛空不盡故般若亦不盡如虛空無有
法但有名字般若波羅蜜亦如是般若波羅

蜜如虛空無所有故不可盡云何菩薩能生
是般若波羅蜜能生者菩薩云何心中生能
行能得佛答色無盡故般若波羅蜜應生如
色初後中生不可得色即生色不可得離色
生色不可得生不可得生生不可得如先破
生中說生不可得故色亦不可得色不可得
故色生不可得二法不可得故色如幻如夢
但誑人眼若色有生必有盡以無生故亦無
盡色真相即是般若波羅蜜相是故說色不
可盡般若波羅蜜亦不可盡受想行識檀波
羅蜜乃至一切種智亦如是復次應生般若
者無明虛空不可盡故若人但觀畢竟空多

墮斷滅邊若觀有多墮常邊離是二邊故說
十二因緣空何以故若法從因緣和合生是
法無有定性若法無定性即是畢竟空寂滅
相離二邊故假名為中道是故說十二因緣
如虛空無法故不盡癡亦從因緣和合生故
無自相無自相故畢竟空如虛空復次因緣
生故無實如經中說因眼緣色生濁念濁念
從癡生濁念不在眼中不在色中不在內不
在外亦不在中間亦不從十方三出來是法
定相不可得何以故一切法入如故若得是
無明定相即是智慧不名為癡是故癡相智
慧相無異癡實相即是智慧取著智慧相即

是癡是故癡實相畢竟清淨如虛空無生無滅是故說得是觀故迴向阿耨多羅三藐三菩提即名般若波羅蜜問曰若無無明亦無諸行等云何說十二因緣答曰說十二因緣有三種一者凡夫肉眼所見顛倒著我心起諸煩惱業往來生死中二者賢聖以法眼分別諸法老病死心厭欲出世間求老死因緣由生故是生由諸煩惱業因緣何以故無煩惱人則不生是故知煩惱為生因煩惱因緣是無明無明故應捨而取應取而捨何者應捨老病諸苦因緣煩惱應捨以少顛倒樂因緣故而取持戒禪定智慧諸善根本是涅槃

樂因緣是事應取而捨是中無有知者見者
作者何以故是法無定相但從虛誑因緣相
續生行者知是虛誑不實則不生戲論是但
滅苦故入於涅槃不究盡求諸苦相三者諸
菩薩摩訶薩大智人利根故但求究盡十二
因緣根本相不以憂怖自沒求時不得定相
老法畢竟空但從虛誑假名有所以者何分
別諸法相者說老是心不相應行是相不可
得頭白等是色相非老相二事不可得故無
老相復次世人名老相髮白齒離面皺身曲
羸瘦力薄諸根闇塞如是等名老相但是事
不然所以者何髮白非唯老者又年壯而白

老年而黑者羸瘦跛曲亦尔有人老而諸根
明利少而閻塞者又服還年藥雖老而壯如
是老無定相無定相故諸法和合假名為老
又如假輪軸轆輻等為車是假名非實復次
有人言說果報五衆故相名為老是亦不然
所以者何一切有為法念念生滅不住若不
住則無故無故則無老一切有為法若有住
則無無常若無無常即是常若常則無老何
况非常非無常畢竟空中而有老復次諸法
畢竟空中生相不可得何况有老如是等種
種因緣求老法不可得不可得故無相如虛
空不可盡如老乃至無明亦如是破無明如

上說菩薩觀諸法實相畢竟空無所有無所得亦不著是事故於衆生中而生大悲衆生愚癡故於不實顛倒虛妄法中受諸苦惱初十二因緣但是凡夫人故於是中不求是非第二十二因緣二乘人及未得無生忍法菩薩所觀第三十二因緣從得無生忍法乃至坐道場菩薩所觀是故說無明虛空不可盡乃至憂悲苦惱虛空不可盡故菩薩行般若波羅蜜如是深觀因緣法離諸邊顛倒者邊名常邊斷滅邊有邊無邊實邊空邊世間有邊等諸邊顛倒者無常中起常等諸顛倒煩惱觀是十二因緣法諸邊顛倒滅諸煩惱有

二分一者外道邪見人名為邊二者餘衆生
煩惱名為顛倒觀十二因緣是二種煩惱皆
滅是第三十二因緣觀甚深唯諸菩薩坐道
場者能觀先雖能觀未能具足如城譬喻經
中說佛言我本未得道時如是思惟衆生可
愍深入嶮道所謂數數生數數老數數死往
來世間不知出處我即時復作是念何因緣
有老死如是求覓時得實智慧生因緣是老
死等是故知第三觀坐道場乃得如經廣說
又復觀如是因緣法過於二乘得一切種智
若有人於佛道退者皆不得是甚深觀故若
得是觀則不退何以故深入畢竟空中則不

見聲聞辟支佛地不見故則不於是中住復
次能如是觀因緣法者不見有一法定自在
無因緣而生一切法不自在皆屬因緣生有
人雖見一切法從因緣生謂爲從邪因緣生
邪因緣者微塵世性等是故說不見法無因
緣生亦不見法從常因緣微塵世性生如虛
空常常故則無生虛空亦不與物作因以是
故無有法從常因緣生復次菩薩如是觀一
切法屬因緣生不自在不自在故無我乃至
無知者見者今時菩薩安住畢竟空十二因
緣中不見一切色等法若有若無等亦不見
般若亦不見用是法行般若乃至阿耨多羅

三藐三菩提亦如是。是名菩薩無所得般若。若波羅蜜得無是所得般若。於一切法中便得無所障礙般若。尔時諸魔極大愁毒。何以故。以是菩薩深入十二因緣。畢竟空中不著有。無非有非無等六十二諸邪見魔網。我今無有法可得菩薩。便譬如捕魚人見一魚深入大水。鈎網所不及。則絕望憂愁。亦如新喪父母。復次菩薩能如是行。無所得般若。波羅蜜則能具足檀波羅蜜等。何以故。行如是法。諸煩惱障般若法。皆折薄。諸魔人民不能得便。故諸波羅蜜得具足。先來雖行六波羅蜜。未能得如是具足。須菩提問世尊。菩薩云何能

行如是般若波羅蜜能具足檀波羅蜜等諸
波羅蜜佛若菩薩所有布施皆迴向薩婆
若者有二種人軟根利根軟根者少多布施
皆取相迴向阿耨多羅三藐三菩提利根者
破是取相而戲論空法信力轉薄不用薩婆
若但求諸法實相是二種人皆不能具足檀
波羅蜜一者以信力多慧力少二者以慧力
多信力少故佛今說信力慧力等故能迴向
薩婆若念薩婆若者是信力如薩婆若迴向
者是智力乃至般若波羅蜜亦如是
大智論釋六度相攝品第六十八
須菩提白佛言世尊云何菩薩摩訶薩住檀

波羅蜜取尸羅波羅蜜佛告須菩提菩薩摩訶薩布施時持是布施迴向薩婆若於衆生中任慈身口意業是爲菩薩住檀波羅蜜取尸羅波羅蜜卅尊云何菩薩住檀波羅蜜取犀提波羅蜜佛告須菩提菩薩布施時受者瞋恚罵辱惡言加之是時菩薩忍辱不生瞋心是爲菩薩住檀波羅蜜取犀提波羅蜜卅尊云何菩薩住檀波羅蜜取毗梨耶波羅蜜佛言菩薩布施時受者瞋恚罵辱惡言加之菩薩增益布施心作是念我應當施不應有所惜即時生身精進心精進是爲菩薩住檀波羅蜜取毗梨耶波羅蜜卅尊云何菩薩摩

訶薩住檀波羅蜜取禪波羅蜜佛言菩薩布
施時迴向薩婆若不趣聲聞辟支佛地但一
心念薩婆若是爲菩薩住檀波羅蜜取禪波
羅蜜卅尊云何菩薩摩訶薩住檀波羅蜜取
般若波羅蜜佛言菩薩布施時知布施空如
幻不見爲衆生布施有益無益是爲菩薩住
檀波羅蜜取般若波羅蜜須菩提白佛言卅
尊云何菩薩摩訶薩住尸羅波羅蜜取檀波
羅蜜毘提波羅蜜毗梨耶波羅蜜禪波羅蜜
般若波羅蜜佛告須菩提菩薩摩訶薩住尸
羅波羅蜜中身口意生布施福德助阿耨多
羅三藐三菩提是功德不取聲聞辟支佛

地住尸羅波羅蜜中不奪他命不劫奪他家
物不行邪淫不妄語不兩舌不惡口不綺語
不貪嫉不瞋恚不邪見所有布施飢者與食
渴者與飲須乘與乘須衣與衣須香與香須
瓔珞與瓔珞塗香卧具房舍燈燭資生所須
盡給與之持是布施與衆生共之迴向阿耨
多羅三藐三菩提如是迴向不墮聲聞辟支
佛地須菩提是為菩薩摩訶薩住尸羅波羅
蜜取檀波羅蜜卅尊六何菩薩摩訶薩住尸
羅波羅蜜取羸提波羅蜜佛言菩薩摩訶薩
住尸羅波羅蜜中若有衆生來節節支解菩
薩於是中不生瞋心乃至一念作是言我得

大利衆生來取我支節用我無一念瞋恚是
爲菩薩住尸羅波羅蜜中取孃提波羅蜜世
尊云何菩薩摩訶薩住尸羅波羅蜜取毗梨
耶波羅蜜佛言若菩薩摩訶薩身精進心精
進常不捨作是念一切衆生在生死中我當
拔著甘露地是爲菩薩住尸羅波羅蜜中取
毗梨耶波羅蜜世尊云何菩薩摩訶薩住尸
羅波羅蜜取禪波羅蜜佛言菩薩入初禪第
二第三第四禪不貪聲聞辟支佛地作是念
我當住禪波羅蜜中度一切衆生生死是爲
菩薩摩訶薩住尸羅波羅蜜取禪波羅蜜世
尊云何菩薩摩訶薩住尸羅波羅蜜取般若若

波羅蜜佛言菩薩住尸羅波羅蜜中無有法
可見若作法若有爲法若數法若相法若有
若無但見諸法不過如相以般若波羅蜜漚
和拘舍羅力故不墮聲聞辟支佛地是爲菩
薩住尸羅波羅蜜取般若波羅蜜

釋曰上品未說云何菩薩行般若波羅蜜時

具足六波羅蜜佛一一答此品中須菩提問
云何菩薩行一波羅蜜攝五波羅蜜問曰六
波羅蜜各各異相云何行一波羅蜜攝五波
羅蜜答曰菩薩以方便力故行一波羅蜜能
攝五波羅蜜復次有爲法因緣果報相續故
相成善法善法因故是波羅蜜皆是善法故

行一則攝五以一波羅蜜為主餘波羅蜜有
分有菩薩摩訶薩深行檀波羅蜜安住檀波
羅蜜中布施衆生時得慈心從慈能起慈身
口業是時菩薩即取尸羅波羅蜜何以故慈
業是三善道尸羅波羅蜜根本所謂不貪不
瞋正見是三慈業能生三種身業四種口業
慈即是善業爲利益衆生故名爲慈取孁提
波羅蜜者菩薩爲一切智慧故布施受者瞋
若施主唱言我能一切施受者不得稱意便
作是言誰使汝請我而不隨我意瞋者是心
惡業罵者是口惡業打害者是身惡業瞋有
上中下上者害殺中者罵詈下者心瞋尔時

菩薩不生三種惡業。意業是根本。故但說意業。作是念是我之罪。我請彼人而不能得稱。意由我薄福不能具足。施與我若瞋者。既失財物。又失福德。是故不應瞋取毗梨耶波羅蜜者。若菩薩布施時受者打害心不沒不捨。布施如先說爲布施。故身心勤精進。作是念我先世不強意布施。故今不能得稱受者。意但當勤布施。不應計餘小事。取禪波羅蜜者。菩薩布施不求今世福樂。亦不求後世轉輪聖王天王人王。亦不求世間禪定樂爲衆生。故不求涅槃樂。但攝是諸意。在一切種智中。不令散亂。取般若波羅蜜者。菩薩布施時常。

觀一切有爲作法虛誑不堅固如幻如夢施
衆生時不見有益無益何以故是布施物非
定是樂因緣或時得食腹脹而死或時得財
爲賊所害亦以得財物故生慳貪心而墮餓
鬼中又此財物有爲相故念念生滅無常生
苦因緣復次此財物入諸法實相畢竟空中
不分別有利無利是故菩薩於受者不求恩
分於布施不望果報設求報者若彼不報則
生怨恨菩薩作是念諸法畢竟空故我無所
與若求果報當求畢竟空阿耨多羅三藐三
菩提如布施相是故不見有益以畢竟空故
亦不見無益如是於檀波羅蜜邊取五波羅

蜜菩薩以尸羅波羅蜜為主所有身口意善業布施多聞思惟持戒等助阿耨多羅三藐三菩提持戒力大故摠名尸羅波羅蜜何以故欲界中持戒爲上餘布施聞思修慧等以欲界心散亂故得力微薄如阿毗曇中說出法名欲界繫或色無色界繫淨禪定學無學法及涅槃菩薩以是持戒等法不趣聲聞辟支佛地但安任尸羅波羅蜜中不奪衆生命乃至不爲邪見任是助道戒具足十善道戒菩薩任是二種戒中布施衆生須食與食等義如初品中說皆以此福迴向佛道不趣二乘何以故菩薩有二種破戒一者十不善道

二者向聲聞辟支佛地與此相違則是二種持戒取羸提波羅蜜者菩薩住尸羅波羅蜜欲具足忍辱波羅蜜若衆生來節節支解持去乃至不生一念瞋心何況起身口惡業問曰忍辱名一切侵奪能忍何以但說割截身體荅曰所著物有內外內名自身頭目髓腦等外名妻子珍寶等雖俱是著處內著最深復次或有人雖隨逐財物而死亦是爲身故又復人多惜身時有惜財惜財者則少故不說復次是人尚不惜身何況餘物是故但說大因緣當知已攝小者問曰乃至不生一念瞋心者爲是變化身爲是父母生身若是變

化身則不足為奇。若是父母生身，未斷結人
去，何能不生一念瞋心？答曰：有人言煩惱業
因緣生身，是菩薩於無量劫為眾生修集慈
心，故雖有割截不生瞋心。如慈母養育嬰兒，
雖復屎尿汗身，以深愛故而不生瞋。又愍其
無知菩薩於眾生亦如是。未得聖道者皆如
小兒，我為菩薩應生慈心。當如父母眾生，雖
復加惡於我，我不應瞋。何以故？眾生不自在
煩惱所使，故復次菩薩無量劫來常修，畢竟
空法不見害者、罵者，亦不見善者、惡者，皆如
幻如夢。諸瞋恚者皆愚癡，若我報彼與彼無
異。復次菩薩作是念：我應瞋處而不瞋，則為

大利取毗梨耶波羅蜜者每尸羅波羅蜜多是出家人時有在家者一切出家人得無量戒律儀具足四十種善道深入諸法實相過聲聞辟支佛地是三種戒名尸羅波羅蜜在家者無無量戒律儀是故不具足住尸羅波羅蜜菩薩作是念我今捨世樂入道不可但住持戒持戒是餘功德住處若但得住處不得餘功德者得利甚薄譬如人在寶洲但得水精珠則所利益薄是故菩薩欲具足五波羅蜜故身心勤精進身精進者如法致財以用布施等心精進者慳貪等諸惡心來破六波羅蜜者不令得入得此亦種精進已應作

是念一切衆生沉沒生死我應拯濟著甘露
地聲聞人但度一身尚不應懈怠何況菩薩
自度及爲一切衆生而當懈怠以是事故我
不應懈廢雖身疲苦心不應息所以者何此
大乘法若不運用則爲敗壞取禪波羅蜜者
菩薩住尸羅波羅蜜或未得無生忍法故諸
煩惱風吹動願樹欲壞其尸羅波羅蜜亦時
應求禪定樂除却五欲樂五欲樂除故戒得
清淨煩惱雖未斷已折伏故不能生乱譬如
毒蛇以呪術力故毒不得螫禪者四禪四無
色定四無量心等諸禪定菩薩得禪心雖柔
軟安住尸羅波羅蜜故亦不取聲聞辟支佛

地是菩薩。但作是人。念我應行禪波羅蜜。不爲小乘涅槃。亦不爲果報。但爲度一切衆生。故說諸法實相。是實智。從禪定生。是心不爲覺觀所動。亦不爲貪欲瞋恚所濁。繫心一處。清淨柔軟。則能生實智。如水澄靜。照鑒分明。菩薩住尸羅波羅蜜。得是禪。故心清淨。心清淨。故知諸法如實。有爲法。從因緣和合生。虛誑菩薩。以慧眼觀。不見是有爲法。實有爲法。有種種名。所謂作法。有爲數法。相法。若有若無。以有爲故。可說無爲。有爲相。尚不可得。何況無爲。問曰。有爲法。是有相。無爲法。是無相。今何以有爲相中。說無相。答曰。無爲有。

種一者無相寂滅無戲論如涅槃二者相待
無因有而生如廟堂上無馬能生無心此無
心是生諸煩惱因緣云何是無為法是菩薩
不見此有無等法但見諸法如法性實際問
曰汝先言離有則無無今云何見如法性實
際答曰不見有為法若常樂我淨等是虛誑

法者無即是諸法實見無生法故能離有生
法は無生法無定實相可取但能令人離虛
誑有生法故名無生若得如是智慧以方便
力本願悲心故不取二乘證直至阿耨多羅
三藐三菩提是名菩薩住尸羅波羅蜜取五
波羅蜜

大智度論卷第八十

表

搗破

二同側瘦反上非下俗正作

輶輻

二字音

捕步

漚和

上烏反

息

嗔字正作

拯濟

上蒸字上聲

整

呼各反二音釋

